



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«04» ապրիլ 2019թ.

ք. Երևան

ՈՐՈՇՈՒՄ ԹԻՎ 7020

ՀԱՐԿ ՎՃԱՐՈՂԻ ԲԱՆԿԱՅԻՆ ՀԱՇԻՎՆԵՐՈՒՄ ԱՌԿԱ ԴՐԱՄԱԿԱՆ
ՄԻՋՈՑՆԵՐԻ ՎՐԱ ԱՐԳԵԼԱՆՔ ԴՆԵԼՈՒ ՄԱՍԻՆ

ՀՀ ՊԵԿ ԻՎ ՀԳ բաժնի առաջատար մասնագետ Գ. Թադևոսյանս

/ՀՀ ՊԵԿ ստորաբաժանման անվանումը, պաշտոնը, անուն, ազգանունը/

Համաձայն ՀՀ պետական եկամուտների կոմիտեի նախագահի «02» ապրիլ 2019թ. թիվ ԱՀ 7020 հանձնարարագրի և ուսումնասիրելով թիվ 2872-1 Ա և թիվ 5223-1 Ա վարչական վարույթների և հարկ վճարողի վերաբերյալ նյութերը

ՊԱՐԶԵՑԻ

03.02.2019թ.-ին և 04.03.2019թ.-ին ՀՀ ՊԵԿ իրավաբանական վարչության պետի կողմից կայացվել են համապատասխանաբար թիվ 2872-1 Ա և թիվ 5223-1 Ա որոշումները «ՌՈՅԱԼ ԿԱՏԵՐԵՐՍ» ՍՊԸ-ից (ՀՎՀՀ՝ 00176989, հասցե՝ ք. Երևան, ԴԱՎԻԹԱՇԵՆ 1 ԹՂՄ. 37/23, պետ. գրանցման համար՝ 271.110.1006733) 370.962 դրամ և 369.380 դրամ գանձելու վերաբերյալ, որից հետո ընկերության կողմից նշված որոշումների շրջանակներում վճարումներ չեն կատարվել: Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

Արդյունքում պարտավորությունը թիվ 2872-1 Ա և թիվ 5223-1 Ա վարչական վարույթների շրջանակներում կազմում է 768.863 դրամ:

Ուսումնասիրելով հարկ վճարողի վերաբերյալ նյութերը, հաշվի առնելով հարկային պարտավորությունները ժամանակին չվճարելու հանգամանքը՝ իրականացված վարչական վարույթի ընթացքում ձեռք բերված ապացույցները բավարար հիմք են տալիս ենթադրելու, որ հարկ վճարողը կարող է թաքցնել, փչացնել կամ սպառել վերը նշված իրավական ակտի կատարման համար անհրաժեշտ գույքը:

Վերոգրյալի հիման վրա, ղեկավարվելով ՀՀ Հարկային օրենսգրքի 429-րդ 430-րդ և 431-րդ հոդվածներով՝

ՈՐՈՇԵՑԻ

Արգելանք դնել հարկ վճարող «ՌՈՅԱԼ ԿԱՏԵՐԵՐՍ» ՍՊԸ -ի (ՀՎՀՀ՝ 00176989) բանկային հաշիվներում առկա դրամական միջոցների վրա 768.863 դրամի չափով:

Նրան արգելել արգելադրված գույքը օգտագործել, տնօրինել և տիրապետել:
Որոշման պատճենը ոչ ուշ քան այն ընդունելու հաջորդ օրը, պատշաճ ձևով ուղարկել «ՌՈՅԱԼ ԿԱՏԵՐԵՐՍ» ՍՊԸ-ին և ՀՀ բոլոր առևտրային բանկերին:

Արգելանք դնելու մասին որոշումը պարտադիր է բոլոր պետական մարմինների, տեղական ինքնակառավարման մարմինների պաշտոնատար անձանց, կազմակերպությունների ու ֆիզիկական անձանց համար և ենթակա է կատարման Հայաստանի Հանրապետության ամբողջ տարածքում:

Սույն որոշումը կարող է բողոքարկվել ՀՀ հարկային օրենսգրքի 432-րդ հոդվածի 5-րդ մասով սահմանված ժամկետում: Որոշման արտադատական կարգով բողոքարկումը չի կասեցնում որոշման կատարումը:

Սույն որոշումը ստանալու պահից Դուք նախագգուշացված եք արգելադրված գույքը կամ դրա առանձին բաղադրամասերը վատնելու, օտարելու, թաքցնելու կամ ապօրինաբար մեկ ուրիշին հանձնելու դեպքում վարչական կամ քրեական պատասխանատվության ենթարկվելու մասին:

Գ. Թադևոսյան

/Հարկ վճարող պաշտոնատար /
անձի անունը, ազգանունը/

ստորագրությունը

